

1) Ինչո՞ւ է պետք գրանցվել

Գրանցումն անհրաժեշտ է՝ ConverseBank միասնական ենթակառուցվածքի առևտրի և սպասարկման կետ (այսուհետ՝ առևտրային կետը) հանդիսանալու և համակարգի օգտատերերից վճարումներ ընդունելու համար:

2) Ինչպե՞ս գրանցվել հավելվածում

Գրանցման համար անհրաժեշտ է ConverseBank գործըկեր որևէ բանկի հետ կնքել ConverseBank սպասարկման համապատասխան պայմանագիր: Այլ պարզաբանումների համար նաև կարող եք դիմել ConverseBank գրասենյակ:

3) Հնարավո՞ր է միաժամանակ օգտվել հավելվածից տարբեր սարքերով, բայց նույն մուտքանունով:

Նույն մուտքանունով մի քանի սմարթ հեռախոսից միաժամանակ օգտվել հնարավոր չէ, բացառությամբ սմարթ հեռախոսով և www.pay.conversebank.am կայքով զուգահեռ մուտքի:

4) Հավելվածից օգտվելու համար արդյոք կա՞ միջնորդավճար

Գործարքներից միջնորդավճարը սահմանվում է սպասարկող բանկի կողմից և գանձվում է Առևտրային կետից:

5) Հնարավո՞ր է ընդունել վճարումներ առանց քարտի ֆիզիկական առկայության

Այո, հնարավոր է: C-PAY-ը հնարավորություն է ընձեռում գործարքի պահին վճարումներ ընդունել առանց բանկային քարտի ֆիզիկապես առկայության: C-PAY-ով վճարումներն ընդունվում են և՛ տեղում՝ QR կոդի գեներացման միջոցով, և՛ հեռահար՝ վճարման հարցում ուղարկելու միջոցով:

6) Ինչպե՞ս են իրականացվում վճարումները

Վճարում ընդունելու համար C-PAY հավելվածի գլխավոր էջում պետք է մուտքագրել գումարը, անհրաժեշտության դեպքում «Նշում» դաշտում կատարել գրառում, որից հետո սեղմել «Ստանալ վճարում» ստեղծը: Հեռախոսի էկրանին գեներացվում է QR կոդ, որը կարող է ներկայացվել վճարողին:

6.1. Տեղում վճարելու տարբերակով՝ որի համար գնորդը իր սմարթ հեռախոսի համապատասխան հավելվածով ընթերցում է QR կոդը և կատարում վճարումը:

6.2. Վճարման հարցում ուղարկելու տարբերակով, որի համար անհրաժեշտ է սեղմել «Ուղարկել վճարողին» ստեղծը և վճարման հարցումը ուղարկել հետևյալ տարբերակներով:

6.2.1. եթե վճարողը հանդիսանում է ConverseBank հավելվածի օգտատեր, ապա անհրաժեշտ է մուտքագրել նրա հեռախոսահամարը և սեղմել «Որոնել ConverseBank» ստեղծը: Պետք է ստուգել վճարողի անունը, որը հայտնվում է հեռախոսի էկրանին և սեղմել «Հաստատել» ստեղծը:

6.2.2. եթե վճարողը չի հանդիսանում ConverseBank հավելվածի օգտատեր, ապա անհրաժեշտ է մուտքագրել նրա հեռախոսահամարը և սեղմել հղումը «SMS»-ով ուղարկելու ստեղծը՝ վճարման հարցման հղումը հաղորդագրության տեսքով ուղարկելու համար:

6.2.3. եթե վճարողը չի հանդիսանում ConverseBank հավելվածի օգտատեր, ապա պետք է սեղմել հղումը ուղարկելու ստեղծը և վճարման հարցման հղումը ուղարկել հաղորդագրության տեսքով՝ WhatsApp-ի, Viber-ի, Messenger-ի, էլ. փոստի և այլ նմանատիպ գործիքների միջոցով:

7) Ինչպե՞ս հասկանալ վճարումն հաջողությամբ իրականացվել է, թե ոչ

Գործարքի կատարումից հետո հեռախոսի էկրանին հայտնվում է գործարքի կատարման, կամ մերժման վերաբերյալ հաղորդագրություն: Բացի այդ, հավելվածի հիմնական մենյուի «Գործարքներ» բաժնի “Վճարված” ենթաբաժնում արտացոլվում են բոլոր գործարքները՝ ըստ վճարման եղանակի, իսկ “Զվճարված” ենթաբաժնում արտաբերված են ուղարկված վճարային հարցումները:

8) Ինչպե՞ս վարվել, եթե պահանջվում է կատարել գնված ապրանքի վերադարձ

Գնված ապրանքի վերադարձը կամ գործարքի կասեցումը իրականացվում է անկանխիկ՝ Առևտրային կետի «ադմինիստրատոր»-ի հասանելիությամբ: Եթե ապրանքի վերադարձը կամ գործարքի կասեցումը իրականացնելու հետ կապված խնդիրներ են առաջանում, ապա անհրաժեշտ է դիմել սպասարկող բանկին:

9) Ե՞րբ է գործարքի գումարը փոխանցվում առևտրային կետի հաշվեհամարին

Կատարված գործարքի գումարը սպասարկող բանկը փոխանցում է առևտրային կետի հաշվեհամարին՝ սպասարկման պայմանագրում սահմանված ժամկետում: